

სატენდერო დოკუმენტაცია

გამარტივებული ელექტრონული ტენდერის საშუალებით
სამხედრო აღრიცხვისა და გაწვევის სამსახურის სამუშაო ოთახების
სარემონტო სამუშაოების შესყიდვა

ს.ს.ი.პ. ტყიბულის მუნიციპალიტეტი
2015 წელი

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12-ე მუხლისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

1. ტექნიკური მოთხოვნები

1.1 პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- ა) პრეტენდენტის რეკვიზიტები. დანართი N1-ის შესაბამისად.
- ბ) ხარჯთაღრიცხვა (მიმაგრებულია ფაილი სახელწოდებით ტექნიკური დავალება).

2. დამატებითი მოთხოვნები

2.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

2.2 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

2.3 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

2.4 სატენდერო წინადადებაში საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, როგორცაა: საქართველოს კანონმდებლობით დადგენილი გადასახადები თუ მოსაკრებლები, ტრანსპორტირების ხარჯები და სხვა.

2.5 სატენდერო წინადადების ფასის წარმოდგენა დასაშვებია მხოლოდ ეროვნულ ვალუტაში - ლარი.

3. შესყიდვის ობიექტი და ტექნიკური დავალება

3.1. გამოცხადებული ელექტრონული ტენდერის შესყიდვის ობიექტს წარმოადგენს სამხედრო აღრიცხვისა და გაწვევის სამსახურის სამუშაო ოთახების სარემონტო სამუშაოების შესრულება.

3.1. შესყიდვის ობიექტის ტექნიკური მოცულობები და რაოდენობა მოცემულია მიმაგრებულ ფაილში სახელწოდებით სამუშაოთა მოცულობები.

4 მიწოდების ვადა, ადგილი და პირობები.

4.1 მიმწოდებელმა ტენდერის პირობებით გათვალისწინებული სამუშაოების მიწოდება უნდა განახორციელოს ხელშეკრულების გაფორმებიდან 30 კალენდარული დღის განმავლობაში.

4.2. შესასრულებელი სამშენებლო სამუშაოების ხარისხი უნდა შეესაბამებოდეს საქართველოს კანონმდებლობით დადგენილ სამშენებლო ნორმებითა და წესებით გათვალისწინებულ მოთხოვნებს და სტანდარტებს.

4.3 მიმწოდებელი ვალდებულია შეასრულოს სამუშაოები შრომის უსაფრთხოების პირობების დაცვით.

4.4 სამუშაოთა შესრულება განხორციელდება მისამართზე: ქ. ტყიბული, რუსთაველის ქ.#26

5. ანგარიშსწორების პირობები

5.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

5.2 მიმწოდებელთან ანგარიშსწორება განხორციელდება ფაქტიურად შესრულებული სამუშაოების შესაბამისად, მიღება-ჩაბარების აქტზე შემსყიდველის მიერ ხელმოწერიდან 15 კალენდარული დღის განმავლობაში.

5.3 ანგარიშსწორებისათვის მიმწოდებელმა უნდა წარმოადგინოს მიღება-ჩაბარების აქტი (ფორმა N2) და საქართველოს კანონმდებლობით გათვალისწინებული შესაბამისი საგადასახადო დოკუმენტაცია

5.4. საბოლოო ანგარიშსწორებისათვის მიმწოდებელმა უნდა წარმოადგინოს მიღება-ჩაბარების აქტი

(ფორმა N2), საქართველოს კანონმდებლობით გათვალისწინებული შესაბამისი საგადასახადო დოკუმენტაცია და ექსპერტიზის ბიუროს გაცემული დადებითი დასკვნა (ექსპერტიზის ხარჯებს ანაზღაურებს მიმწოდებელი).

5.5 „მიმწოდებელი“ ვალდებულია ჩაატაროს ექსპერტიზა შესრულებული სამუშაოების ხარისხზე, მოცულობასა და ფასებზე (სამუშაოს საბოლოო მიღება-ჩაბარების დროს).

5.6 ექსპერტიზის ბიურო“ უარყოფითი დასკვნის შემთხვევაში შემსყიდველი მიმწოდებელს განუსაზღვრავს გონივრულ ვადას ხარვეზების გამოსასწორებლად, რომელსაც საკუთარი ხარჯებით უზრუნველყოფს მიმწოდებელი.

5.7. სამუშაოს ხარისხის დაცვის მიზნით, „შემსყიდველი“-ს მიერ ყოველ შესრულებულ სამუშაოზე დაკავებული იქნება შესრულებული სამუშაოების ღირებულების 5%, რომლის ნახევრის 2.5%-ის დაბრუნება მოხდება სამუშაოების სრული დასრულებისა და „შემსყიდველი“-ს მიერ შექმნილი ინსპექტირების ჯგუფის მიერ შედგენილი ობიექტის ჩაბარების აქტის გაფორმების შემდეგ, ხოლო მეორე ნახევარი (აღნიშნული თანხის დაკავების ფორმას განსაზღვრავს „შემსყიდველი“) სამუშაოების საგარანტიო ვადის (ორი წელი) გასვლის შემდეგ. თუ „შემსყიდველი“-ს მიერ შექმნილი ინსპექტირების ჯგუფის ან სპეციალური კომისიის მიერ აქტის შედგენისას დაფიქსირებული იქნება შესრულებული სამუშაოს ნაკლი ან უხარისხობა, „მიმწოდებელს“ აღნიშნული თანხა არ აუნაზღაურდება დეფექტების გამოსწორებამდე.

5.8 შესაძლებელია წინასწარი ანგარიშსწორება მიმწოდებლის მიერ წარმოდგენილი მოთხოვნის და მხოლოდ საბანკო გარანტიის საფუძველზე არაუმეტეს ხელშეკრულების ღირებულების 20%-სა, ამასთანავე ავანსის საბანკო გარანტიის მოქმედების ვადა 1 (ერთი) თვით უნდა აღმატებოდეს სამუშაოების დასრულების ვადას.

შესყიდვის სავარაუდო ღირებულება: 5890 (ხუთიათასრვაასოთხმოცდაათი) ლარი.

დამატებითი ინფორმაცია:

დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან:

სატენდერო კომისიის აპარატის წევრი- ჯონი ქასრაშვილი ტელ. 595 90 24 53

ხელშეკრულება № სახელმწიფო შესყიდვის შესახებ

ქ.ტყიბული

— ————— 2015 წელი

ერთი მხრივ, ს.ს.ი.პ ტყიბულის მუნიციპალიტეტი (შემდგომში "შემსყიდველი") წარმოდგენილი გამგებლის რობიზონ გვენეტაძის სახით (რეკვიზიტები: ქ. ტყიბული, კ.ლომადის მოედანი N3. ს.კ. 219636259. სახელმწიფო ხაზინის ერთიანი ანგარიში, ბ.კ. TRESGE22) და მეორეს მხრივ, ————— (შემდგომში "მიმწოდებელი") წარმოდგენილი ————— სახით, (რეკვიზიტები —————) სახელმწიფო შესყიდვების კანონის და მიმწოდებლის სატენდერო წინადადების საფუძველზე, №SPA————— გამარტივებული ელექტრონული ტენდერის ჩატარების შედეგად აფორმებენ სახელმწიფო შესყიდვის შესახებ ხელშეკრულებას.

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
2. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:
 - ა) წინამდებარე ხელშეკრულება;
 - ბ) ხარჯთაღრიცხვა;
3. მიმწოდებელი იღებს ვალდებულებას შეასრულოს ზემოთაღნიშნული სამუშაოები ხელშეკრულების პირობების შესაბამისად.
4. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადებში და ფორმით.
5. ყოველივე ზემოთთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.
6. წინამდებარე ხელშეკრულება შედგენილია ქართულ ენაზე, ორი თანაბარი იურიდიული მნიშვნელობის ეგზემპლარად, რომელთაგან თითო-თითო ეგზემპლარი გადაეცემათ ხელმომწერ მხარეებს.

1. ხელშეკრულების საგანი

- 1.1. შესყიდვის ობიექტია სამხედრო აღრიცხვისა და გაწვევის სამსახურის სამუშაო ოთახების სარემონტო სამუშაოების შესრულება (შემდგომში "სამუშაო").
CPV კლასიფიკატორის კოდი 45400000.

2. ხელშეკრულების ჯამური ღირებულება

- 2.1 ხელშეკრულების ჯამური ღირებულება შეადგენს ————— ლარს
- 2.2. ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

3. ანგარიშსწორების ფორმა და ვადები

- 3.1. შესრულებული სამუშაოების ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში.
- 3.2. მიმწოდებელთან ანგარიშსწორება განხორციელდება ფაქტიურად შესრულებული სამუშაოების შესაბამისად, მიღება-ჩაბარების აქტზე შემსყიდველის მიერ ხელმოწერიდან 15 კალენდარული დღის განმავლობაში. ანგარიშსწორება განხორციელდება, როდესაც წარმოდგება მიღება-ჩაბარების აქტი (ფორმა N2) და საქართველოს კანონმდებლობით გათვალისწინებული შესაბამისი საგადასახადო დოკუმენტაცია. ანგარიშსწორება განხორციელდება იმ დოკუმენტის მიხედვით, რომელშიც უფრო ნაკლები ღირებულება იქნება დაფიქსირებული.
- 3.3 საბოლოო ანგარიშსწორებისათვის მიმწოდებელმა უნდა წარმოადგინოს მიღება-ჩაბარების აქტი (ფორმა N2), საქართველოს კანონმდებლობით გათვალისწინებული შესაბამისი საგადასახადო დოკუმენტაცია და ექსპერტიზის ბიუროს მიერ გაცემული დადებითი დასკვნა.

3.4 „მიმწოდებელი“ ვალდებულია ჩაატაროს ექსპერტიზა შესრულებული სამუშაოების ხარისხზე, მოცულობასა და ფასებზე. (ექსპერტიზის ხარჯებს ანაზღაურებს მიმწოდებელი)

3.4. „შემსყიდველი“ თანახმაა წინასწარ გადაურიცხოს მიმწოდებელს მთლიანი სახელშეკრულებო ღირებულების 20% იმ შემთხვევაში, თუ მიმწოდებლის მიერ წარმოდგენილი იქნება საავანსო ანგარიშსწორების საბანკო გარანტია მთლიანი სახელშეკრულებო ღირებულების 20%-ის ოდენობით. ამასთანავე ავანსის საბანკო გარანტიის მოქმედების ვადა 1 (ერთი) თვით უნდა აღმატებოდეს სამუშაოების დასრულების ვადას.

3.5. ავანსის გაცემის შემთხვევაში ანგარიშსწორება ხორციელდება შესრულებული სამუშაოების ღირებულებიდან თავდაპირველად ავანსის თანხის გამოქვითვით.

3.6. მიმწოდებლის მიერ წარმოდგენილი წინასწარი ანგარიშსწორების საავანსო გარანტიის მოქმედების ვადა 1 (ერთი) თვით უნდა აღმატებოდეს სამუშაოების დასრულების ვადას.

3.7. იმ შემთხვევაში თუ მიმწოდებელი ხელშეკრულებით გათვალისწინებულ ვადაში ვერ უზრუნველყოფს სამუშაოს მიწოდებას და მხარეები ვერ შეთანხმდებიან ამ ვადის გაგრძელებაზე, შემსყიდველი უფლებამოსილია გარანტიის მოქმედების პერიოდში მიმართოს გარანტიის გამცემ ორგანოს (გარანტს) საავანსო გარანტიით გათვალისწინებული შესრულებული სამუშაოების თანხის სრულად დაბრუნებაზე.

3.8 სამუშაოს ხარისხის დაცვის მიზნით, „შემსყიდველი“-ს მიერ ყოველ შესრულებულ სამუშაოზე დაკავებული იქნება შესრულებული სამუშაოების ღირებულების 5%, რომლის ნახევრის 2.5%-ის დაბრუნება მოხდება სამუშაოების სრული დასრულებისა და „შემსყიდველი“-ს მიერ შექმნილი ინსპექტირების ჯგუფის მიერ შედგენილი ობიექტის ჩაბარების აქტის გაფორმების შემდეგ, ხოლო მეორე ნახევარი (აღნიშნული თანხის დაკავების ფორმას განსაზღვრავს „შემსყიდველი“) სამუშაოების საგარანტიო ვადის (ორი წელი) გასვლის შემდეგ. თუ „შემსყიდველი“-ს მიერ შექმნილი ინსპექტირების ჯგუფის ან სპეციალური კომისიის მიერ აქტის შედგენისას დაფიქსირებული იქნება შესრულებული სამუშაოს ნაკლი ან უხარისხობა, „მიმწოდებელს“ აღნიშნული თანხა არ აუნაზღაურდება დეფექტების გამოსწორებამდე.

4. გარანტია

4.1. მიმწოდებელი იძლევა გარანტიას, რომ სამუშაო განხორციელდება საქართველოში მოქმედი სამშენებლო ნორმების, სტანდარტებისა და წარმოდგენილი ტექნიკური პირობების შესაბამისად;

4.2. წინამდებარე ხელშეკრულების შესაბამისად შესრულებული და გადმოცემული სამუშაოების საგარანტიო პერიოდი შეადგენს სამუშაოების დამთავრებიდან 1 წელს.

4.3. საგარანტიო ვადის განმავლობაში მიმწოდებელი ვალდებულია შემსყიდველის მიმართვის შემდეგ არაუგვიანეს 30 დღეში საკუთარი ხარჯებით უზრუნველყოს მიმწოდებლის მიზეზით წარმოქმნილი ხარვეზების აღმოფხვრა.

4.4. თუ მიმწოდებელი საგარანტიო ვადის განმავლობაში საკუთარი ხარჯებით ვერ უზრუნველყოფს ექსპლუატაციის პროცესში წარმოქმნილი ხარვეზების აღმოფხვრას, შემსყიდველი უფლებამოსილია გაფრთხილებიდან 30 დღის ამოწურვის შემდეგ მიმართოს სასამართლოს მიყენებული ზიანის ასანაზღაურებლად.

5. შესყიდვის ობიექტის მიღება-ჩაბარების წესი

5.1. სამუშაოს ან მისი ნაწილის მიღება-ჩაბარებისათვის მიმწოდებელმა შემსყიდველს უნდა წარუდგინოს მიღება-ჩაბარების აქტი (ფორმა N2), ფარული სამუშაოების ჩატარების აქტი (ფარული სამუშაოების შესრულების შემთხვევაში) და ექსპერტიზის ბიუროს მიერ გაცემული დადებითი დასკვნა.

5.2 ექსპერტიზის ბიურო-ს უარყოფითი დასკვნის შემთხვევაში შემსყიდველი მიმწოდებელს განუსაზღვრავს გონივრულ ვადას ხარვეზების გამოსასწორებლად, რომელსაც საკუთარი ხარჯებით უზრუნველყოფს მიმწოდებელი.

5.3. შემსყიდველი ვალდებულია ოპერატიულად, სიტყვიერი და წერილობითი სახით, აცნობოს მიმწოდებელს შემოწმების შედეგები დაწუნებული სამუშაოს მოცულობისა და წუნდების მიზეზის მითითებით.

5.4. სამუშაოს ეტაპების მიღების და /ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6. სამუშაოს შესყიდვის ვადა და პირობები

6.1. მიმწოდებელი ვალდებულია წარმოდგენილი სატენდერო წინადადებით განსაზღვრული სამუშაოები დაასრულოს ხელშეკრულების ხელმოწერის დღიდან 30 კალენდარული დღის განმავლობაში.

6.2. მიწოდებელმა სამუშაოს დასრულების შემდეგ, თავისი ძალებითა და სახსრებით უნდა გაანთავისუფლოს სამუშაო ადგილი სამუშაო სამშენებლო მოწყობილობა-დანადგარებისაგან, დროებითი ნაგებობებისაგან, ასევე სამშენებლო ნარჩენებისაგან.

7. პირგასამტეხლო ხელშეკრულების პირობების შეუსრულებლობისათვის

7.1 ხელშეკრულებით ნაკისრი ვალდებულებების შესრულების ვადის გადაცილების შემთხვევაში მხარეს დაეკისრება პირგასამტეხლო, ყოველ გადაგადაცილებულ დღეზე, ხელშეკრულების შეუსრულებელი ნაწილის 0.3%-ის ოდენობით.

7.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების შეუსრულებელი ნაწილის 6 პროცენტს, შემსყიდველი იტოვებს უფლებას შეწყვიტოს ხელშეკრულება.

7.3 პირგასამტეხლოს გადახდა არ ათავისუფლებს მხარეს ძირითადი ვალდებულების შესრულებისაგან.

8. მხარეთა უფლება მოვალეობები

8.1 შემსყიდველი ვალდებულია:

8.1.1 ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესრულებული სამუშაოს ღირებულება.

8.1.2 სამუშაოთა შესრულების მიმდინარეობისას დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ.

8.2 შემსყიდველს უფლება აქვს:

8.2.1. განახორციელოს კონტროლი და ზედამხედველობა მიმწოდებლის მიერ ხელშეკრულებით ნაკისრი ვალდებულებების ჯეროვნად შესრულებაზე.

8.2.2. შეამოწმოს შესრულებული სამუშაოების შესაბამისობა საქართველოში მოქმედი მშენებლობის ნორმებისა და სტანდარტების გათვალისწინებით.

8.2.3 საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვების შესახებ დადებული ხელშეკრულების მოქმედება.

8.3 მიმწოდებელი ვალდებულია:

8.3.1 დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

8.3.2 საამშენებლო ნორმებისა და წესების სრული დაცვით უზრუნველყოს სამუშაოთა მაღალი ხარისხით შესრულება და მათი დამთავრება ხელშეკრულებით განსაზღვრულ ვადებში.

8.3.3 ფარული სამუშაოები აწარმოოს საამშენებლო ნორმების დაცვით.

8.3.4 აწარმოოს სამუშაოთა წარმოების ჟურნალები და ფარული სამუშაოების აქტები.

8.3.5 სამუშაოების შესრულების პროცესში შეტყობინების მიღებისთანავე აღმოფხვრას უხარისხოდ შესრულებული სამუშაო, შემსყიდველის მხრიდან რაიმე დამატებითი დანახარჯების გაწევის გარეშე.

8.3.6 სამუშაოების შესასრულებლად აუცილებელი მასალები, აღჭურვილობა და მექანიზმების მოწოდება უზრუნველყოფილი უნდა იქნა მიმწოდებლის მიერ საკუთარი შესაძლებლობებით და რესურსებით. მიმწოდებელი პასუხისმგებელი უნდა იყოს აღნიშნული მასალების, აღჭურვილობის და მექანიზმების უსაფრთხოებაზე, ხსენებული მასალების დაკარგვის ან გაუმართაობის შედეგად გამოწვეული რისკი ეკისრება მიმწოდებელს.

8.3.7 ნებისმიერ დროს წინასწარ შეტყობინების გარეშე დაუშვას შემსყიდველი და მისი წარმომადგენლები სამუშაო მოედნებზე.

8.3.8 სამუშაოების დასრულების შემდეგ, ხელშეკრულების 4.2 პუნქტით გათვალისწინებულ საგარანტიო ვადებში რაიმე წუნის (ნაკლოვანებები, დეფექტი) აღმოჩენის შემთხვევაში თუ დადგინდება, რომ აღნიშნული წუნი (ნაკლოვანებები, დეფექტი) გამოწვეულია მათი მიზეზებით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით.

8.4 მიმწოდებელს უფლება აქვს;

8.4.1. მოსთხოვოს შემსყიდველს ხელშეკრულებით გათვალისწინებული პირობების შესაბამისად შესრულებული სამუშაოების ღირებულების ანაზღაურება.

9. ფორს-მაჟორი

9.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან, რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

10. ხელშეკრულების შესრულების კონტროლი

10.1 შემსყიდველი უფლებამოსილია სამუშაოს შესრულების პარალელურად მოახდინოს სამუშაოების შემოწმება მიმწოდებლის მიერ წარმოდგენილი გეგმა გრაფიკისა და ხარჯთაღრიცხვის შესაბამისად, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან.

10.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული სამუშაოების ან/და მისი ნაწილის შესახებ წუნდების მიზეზების მითითებით.

10.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

10.4. შემსყიდველს უფლება აქვს განახორციელოს სამუშაოების ზედამხედველობა, მშენებლობის ნებისმიერ მომენტში, შეამოწმოს გამოყენებული მასალებისა და სამუშაოთა შესრულების ხარისხი. იმ შემთხვევაში, თუ ხარისხი არ აღმოჩნდება სამშენებლო ნორმებისა და სტანდარტების შესაბამისი, შემსყიდველი მხარე უფლებამოსილია შეაჩეროს საამშენებლო სამუშაოთა წარმოება აკრძალოს შეუსაბამო მასალების გამოყენება.

10.5 ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირს წარმოადგენს ტყიბულის მუნიციპალიტეტის გამგებელი თემური ჩუბინიძე.

11. ხელშეკრულებაში ცვლილებების შეტანა და ხელშეკრულების შეწყვეტა.

11.1 ხელშეკრულებაში ნებისმიერი ცვლილებების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 ხელშეკრულების პირობების შეცვლა დაუშვებელია თუ ამ ცვლილებების შედეგად უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11.4 იმ შემთხვევაში თუ მიმწოდებელმა ხელშეკრულების გაფორმებიდან 10 დღის ვადაში არ დაიწყო სამუშაოების განხორციელება შემსყიდველი იტოვებს უფლებას ცალმხრივად შეწყვიტოს ხელშეკრულება.

11.5 მიმწოდებლის მიერ წარმოდგენილი სამუშაოების გეგმა-გრაფიკის შეუსრულებლობის შემთხვევაში შემსყიდველი უფლებას იტოვებს ცალმხრივად შეწყვიტოს ხელშეკრულება.

11.6 მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყონინოს მეორე მხარეს 11.3, 11.4 და 11.5 პუნქტით გათვალისწინებული გადაწყვეტილების მიღების შესახებ.

11.7 ხელშეკრულება ასევე შეიძლება შეწყდეს მხარეთა ინიციატივით ურთიერთშეთანხმების საფუძველზე.

12. დავები და მათი გადაწყვეტის წესი.

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში დავის გადასაწყვეტა მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

13 ხელშეკრულების მოქმედების ვადა

13.1 ხელშეკრულება ძალაში შედის 2015 წლის ----- და მოქმედებს 2015 წლის ----- ჩათვლით. მხარეთა მიერ ხელშეკრულებით ნაკისრი ვალდებულებების სრულ და ჯეროვან შესრულებამდე.

რეკვიზიტები:

პრეტენდენტის იურიდიული ფორმა და დასახელება: _____

ხელმძღვანელის სახელი და გვარი: _____

პრეტენდენტის იურიდიული ან/და ფაქტიური მისამართი: _____

საიდენტიფიკაციო კოდი: _____

პრეტენდენტის ტელეფონის ნომერი: _____

ელექტრონული მისამართი: _____

მომსახურე ბანკის დასახელება: _____

ბანკის კოდი: _____

ანგარიშსწორების ანგარიში: _____